

Кибашлыос

Туннэ ик дйсясал...

Москваысь «Коломенское» музей-заповедникын туэ 12-тйэ ортчиз славян искусстволы сйзем «Русское поле» калыккуспо фестиваль. Отчы аслаз «Ингур» удмурт дйськут коллекциеныз пырыськиз Ува ёросысь Бызара (Узей-Тукля) гуртысь киужъёсыя но туризмъя «Артэль» центрысь кибашлы Екатерина Сунцова.



Ува ёросысь Узей-Тукляысь Екатерина Сунцвалэн дйськут коллекциез — Москваын.

дасясьёс асьсэос быръё, кин соос доры лыктоз. Мыным шуд усиз отчы пырыськыны. Шумпотыса мый, малы кешуоно аслэсьтым коллекциме Москваын ой на возматъя. Собере мукетъёссэ но адзем потэ ук, уката ик отчы ваньмыз конкурс пыр шедё бере, дизайнерёслэн устолыксы вылийын.

Вераны кулэ, мон отын огнам ой вал: киужъёсыя

юртысьтымы кызыпу туйлэсь киужъёс лэсьтылйсь Татьяна Пovyшева ветлиз на, — шуэ Екатерина Сунцова.

Е. Сунцова верамъя, фестивале шутэтскыны уд мыйськы, отын туж трос ужано луэ. Сыёе ужрадъёсын туж жадёно, но со жадён жеч мылкыдлы чик уг люкеты, шумпотонэз уг бездыты. Удмуртиысь вал на

«Вдохновение» коллектив — Можгаысь дышетйсьёс но нылпиос, соос вуро сценалы тупась костюмъёсты.

— Мынам коллекцие сценической өвёл, сое урамьын, дорын, ужын нуллыны луэ, дэрэмъёсы, сестэмъёсы котькудадымылы, егитэзлы но арлыдоезлы, городын но гуртын улийсьёслы, тупамон. Маиз туж кельшиз: модельёс вал Москваысь

модельной агентствоосысь нылъёс. Соос туж быгатыса возматйзы удмурт коллекциме.

Нырысетй показ орчем бере фестивалез радъясьёс асьсэос вазиськизы, «Ингур» коллекциез эшшо возматыны курьса. Милемлы жытаз сомында жингырьясъёс, гождясьёс вал Е. Сунцвалэсь коллекцизэ юаса-ужъяса, соин ик, Катя, удмурт коллекция эшшо огпол сцена вылэ потоз, шуизы. Чуказеяз указы арлыдо модельёс, но со мыйы кышномуртъёс но туж чебересь, задоресь.

Эшшо пусйысал, фестивале пырыськизы Россиясь тодмо дизайнеръёс, модельеръёс, кинъёс быдэс улонзэс дйськут кылдытонэн гинэ выро. Нош мынам со хобби выллем ук, мон мукет ужен но вырыско на. Соин ик туж шумпотй, модельёслы но учкись калыклы удмурт дйськутэ кельшиз шуыса.

Нош кёня адымы вераз: мон таёе дйськут нуллысал, мон тае туннэ ик дйсясал. Мон понна талэсь жечгес дунъет өвёл ни, — шуэ Екатерина Сунцова.

Галина СЕМЁНОВА

Эгра ёрос — литературалэн шоркарез

Одйг тугокын поэзия, наука но дышетон

26-тй куарусёнэ йёскалык библиотекаын Эгра ёрос литературалы сйзем нунальёс улсын ортчиз гождяськисен Андрей Клементьевен творческой пумиськон.



Филология наукаосъя кандидат, «Вордскем кыл» журналлэн валтйсь редакторез Андрей Клементьев вераз творчествоез сярсь.

журналын ёмьсь печатласькизы.

А. Клементьевлэн кылбуръёсыз пыремын «Туала удмурт поэзия» антологие. 100-лэсь ятыр научной ужъёсыз сйземын

удмурт литературалы, кыллы, дышетон удыслы, соос потэмын «Вордскем кыл» но мукет журналъёсын но бичетьёсын.

Пумиськонын Андрей Александрович лыдзиз

аслэсьтыз кылбуръёссэ. Тросэзлы кылбуръёсызлы инъет луиллям пичи дырысьтыз тодэ ваёнъёсыз, уката ик — песняезлэн мадем выжыкыльёсыз но мифъёсыз. Удмурт фольклорен тунсыкъяськонэз, университетын дышетскыкуз, уката муромем. А. Клементьев шунит кылъёс вераз филология факультетысь дышетйсьёслы.

Андрей Александровичлэсь пёртэм удысьёсын быгатонлыкъёссэ эскермзэ пусйиз критик но тодоччи Александр Шкляев. Удмуртиысь Писательёслэн огазеяськонзылэн ёзчиез, Глазкарысь пединститутлэн филиалэзлэн директорез Светлана Скопкарёва вераз, Андрей Александровичлэсь творчествозэ пинал дырысьеныз чакла шуыса, пусйиз будэмзэ но азинскемзэ. Эгра ёросысь кылбурчи Светлана

Поторочина ас улосчиезлы кылбур бичетсэ кузьмаз но вераз, Андрей Александровичез пинал дырысьеныз тодэ ини шуыса, школаын дышетскыкуз ик, пе, йёно, быгатйсь но адзем карымон вал.

Пумиськон поэзилы сйземын вал ке но, Андрей Александрович ачиз сярсь шуэ:

— Мон асме поэт уг шуиськы, мон — кылбурась. Дышетскеме но, тунсыкъяськонъёсы но ог-огзылы матын луо, ваньмыз удмурт кылэн герзаськемын. Али «Вордскем кыл» журналын ужасько, удмурт литература урокъёс нуисько экномикотехнологической колледжын, тыршисько дышетйсьёслы но егитъёслы удмурт литератураез но кылэз яратон пычатыны.

Людмила ЧЕРНОВА